

四庫全書

集部

欽定四庫全書

集部

敬業堂詩集卷四十一

詳校官在中允臣璿五珠

助教臣常循覆勘

總校官庶吉士臣倉聖脉

校對官中書臣雷純

謄錄監生臣莫與儔

欽定四庫全書

敬業堂詩集卷四十一

翰林院編修查慎行撰

待放集

起癸巳正月盡六月

移疾經年遲遲去國恭遇

聖天子萬壽之期既隨班朝賀復申前請又三閱月始

蒙

恩先歸古人以道去國者待放于郊得玦乃去春秋公

羊傳則謂大夫已去三年待放噫母乃太濡滯乎  
得玦而去斯可矣

韓幹放馬圖次東坡題李伯時所藏韓幹馬七

言古詩韻

圖為同年薄勺庭所藏絹本無款  
孫少宰北海題其後謂是韓幹筆

一如鶴啄長鬣垂一如狼顧尾撒絲其一昂頭立而嘶  
欲前不前耳卓錐眼中空濶視八極跼步尺咫胡由馳  
薄言垆者在垆野絡腦且脫黃金羈人間皂梃或老病  
天上閑廐誰權竒攻駒考牧兩無預造物一聽相雄雌

圉官大得閒，放意觥觥遑。問牛何之吁，嗟乎隙中過。景  
越千載畫，日畫骨空毛。皮東川清絲，况寸裂縱復神駿。  
疇能知斯圖，即謂曹霸可弟子。未必賢于師。

今年擬不作詩，復為友人牽率破戒。口占自解。  
年來百事多頽廢，何必於詩苦用心。正爾苦心誰復識，  
堯夫自有打乖吟。

院長湯西崖前輩出示與副相揆公贈答詩索  
余次和六首

皇華候騎走駢駢萬里還

朝倡和新何物堪持比詩境冰壺玉鑑兩無塵

好士重聞六館開中間一館是翹材春風入座人人愛  
只待先生下直回

第七車中博物餘承明顧問在星廬不知三篋三倉外  
可有平生未見書

白楊巷與青楊巷多少車前騶唱聲何似神仙雙學士

對騎官馬出郊行

時揆公以副相兼學士  
院故得並稱學士

文壇宿望與資深吟徧西垣又苑林三十年來同調盡

却從少和識孤音

後漢書孔融傳贊越俗易驚孤音少和

翹翹和鳴屬兩公卷阿風入雅音中枯桐入爨還邀賞  
草木終憐臭味同

題徐去矜侍御日南種菜圖

不費園官送渾疑老圃家苗民分七著童子刷烟霞飽  
喫三年菜閒看四季花還

朝無俗物堪作畫圖誇

癸巳仲春上丁

文廟分獻紀事四首

森森老檜上參天路入橋門氣肅然齋宿忝隨丞相後

先一日隨太倉相趨蹌獲在聖人前元音唱歎餘琴瑟

古器駢羅識几筵兩度春秋遞分獻一門兄弟儼差肩

去秋丁祭家弟嗣  
璫與分獻之列

鷺線翟羽互飛翔樂舞同時綴兩行道在羹墻榮北面

禮成盥薦屬東廂千秋世裔綿吳國

言子舊封吳侯其裔孫德暨去冬始



龔經

博 十哲新躋列紫陽

朱子去春躋十哲配享廟堂以上兩賢余分獻之位在焉到

此始知儒者貴遙遙今古幾升堂

自堂徂廡又趨階升降循環往復迴想像軒懸非一代

摩挲石鼓已三回

二十年前為博士弟子十年前釋褐

頭銜分

去 出資郎

下班次猶煩博士陪

宋祥符中孫奭上言釋奠舊禮以祭酒司業博士三獻新禮以三公

近歲止命獻官三員兼揖請備差太尉太常光祿卿三獻詔可今至聖前則大學士行禮十哲分獻用翰林資

深者二員本監監丞博士二員猶隨分獻官後蓋參用宋時新舊禮也

絕勝恢諧饑曼倩

殿庭割肉早歸來

題名釋褐幾何時哀至人嫌拜起遲

莫筆時余拜起稍遲以致敬也導引

官遽相催迫故云

位定瞽宗寧敢讓

致齋所序坐分獻官在太常卿之上

事闕邊

豈無司明朝尚舉分膳禮他日誰陳齒冑儀白首詞

臣稽掌故

盛朝文物古為師

二月二十日雷雨之後忽復嚴寒枕上口占

老子慵貪卧家童起報晴朝來冰復合昨夜蟄初驚寒  
暖渾難定陰陽動必爭庭花經手種榮悴也關情

後二日雪

欣欣逢歲閏霽霽及春陽早是經雷雨如何更雪霜天  
心寧好殺物性自多傷草木如知候勾尖幸宛藏

出史記律

書

恭祝

皇上萬壽詩四章

鳳紀龍飛五十年周天景運正中天衆星拱極雲霄上  
萬國瞻光日月前難老祥徵

仁者壽誕生

聖在佛之先欲知

帝力占毗俗擊壤吹豳徧八埏

爐香謁謁護

楓宸花甲循環歷象新

玉燭萬年三月節

鴻鈞一氣四時春闢門

典曠收羣士

錫福疇多及庶民黎老祝

釐還自賀兒孫同作太平人

厚澤深仁物物霑霏從動植到飛潛日暄風動

恩威並

秉鉞垂衣創守兼久運

乾行神倍王

屢辭尊號德彌謙太和宇宙無疆慶長願春隨閏歲

添

極盛

皇猷冠古今無涯

聖學仰高深已隆咸五登三業猶厯

堯咨舜傲心

天大固知難繪畫人歡爭欲效謳吟小臣拜手情尤切  
十載蒙

恩在禁林

題石門勞鈞天日邊鼓篋圖二首

文賦行當擬陸機

鈞天年甫二十故引用少陵詩中事

暫從鼓篋別庭闈

同朝幾輩來相問五十年前父執稀

尊甫中丞公甲辰進士至是恰五十年

過庭家學本傳詩都講風流又一時三百諸生多避席

愛聽匡說解人頤

山野老人遠來祝

萬壽者以千計目覩盛事紀之以詩

長世人多壽親承異數加使年踰甲子問俗及桑麻跪

進觴

停輦歸替帽有花賜醕還賜杖好向後生誇

雨後過自怡園看海棠同院長作時余復請假

不記名園裏寡芳醉幾回偶逢新雨過又報海棠開此

地嗟春晚當時見手栽勿辭燒燭看為是別花來

香山詩七

十三翁難再到今  
春來是別花來

四月朔大雪

大雪灑庭柯春光九十過急催花落盡亂雜絮飛多燕



壘融還凍鶯吭喋不歌紛紛蜂與蝶爭柰苦寒何

送同年海天植前輩視學雲南

八千餘里皇華使二十多年侍從臣  
館閣文章天上草  
門墻桃李日南春  
先聲到處苗風變  
公道傳來士氣伸  
儘讓同官開府去  
好持冰鑑答

楓宸

重過封氏園  
飲矮松下  
偕網菴湘芷  
俠君潤木

作

刺縻花外矮松前  
指點遊踪廿四年  
枝亞平行妨翠鬣  
杖端摩頂透青天  
與誰作伴人先老  
閱世如流我獨憐  
賣却朝衫充一醉  
免教歸欠酒家錢

再賦古松疊前韻

時聞松子落吾前  
小住方知日似年  
草色展開三丈地  
濤聲捲起四垂天  
最宜物外閑相賞  
久在人間絕可憐  
莫道如龍難畫得  
真龍又值幾多錢

時潤木畫墨松旁  
觀有譽樹為龍者

故戲  
及之

從刺縻園步至陶然亭

未覺年衰腰脚頑  
意行隨步有躋攀  
雨餘天氣清和候  
城角人家墟墓間  
柏子庭空移白日  
荻苗水涸轉蒼灣  
此來直與孤亭別  
貪得憑欄一晌閒

壽山田石硯屏歌副相揆公屬和

吾聞陽精之純韞為璞  
白者曰璧黃者琮  
兼斯二美乃在石天  
遣瓌寶生閩中壽山  
山前石戶農力田世  
世兼養蜂採花釀蜜  
自何代金漿玉髓  
相交融深埋土肉  
久

成骨亦如虎魄結自千年松想當欲出未出時其氣貫  
斗如煙虹地亦愛寶惜不得飛上君家几硯為屏風質  
良材富肌理豐廣袤徑尺加磨礱銀河中傾灑湫水灌  
頂倒摧崔嵬峰寒光通透月兩面高勢噴涌雲千重長  
繁夜燒燭焰紅表裏映徹疑中空風林片石非爾比况  
許下巖劣品矜芙蓉朝來得句傳詩筒語雖紀實工形  
容平生嗜好一無癖而此特為情愛鍾吁嗟乎人間尤  
物蓋不乏目所未覩誰能窮公今獲石石遇公無心之

合欣遭逢深山邃谷只作几硯視要使天下稱良工

循例請封典有作

貶封有例徧簪裾院吏傳宣到敝廬一榻春生哀病後  
九重恩逮罷官初絕無功狀虛靡祿自寫年勞削勘書  
慙愧初階叨進級枉將章服混樵漁

自怡園曉起即事呈副相

朝來雲出岫昨日雨鳴溪杏子落如豆楊花膠作泥新  
巢看燕乳舊耳聽鶯啼

去年四月公有曉起聞鶯詩屬和

詩境從聞得

何須苦覓題

獨坐紫藤花下

俗客何由到但聞蜂蝶喧低枝如見就長穗不勝繁稍

重雨歇架忽飛風滿園冗員無處著

東坡詩冗士無處著寄身范公園

來借紫花墩

食新筍

朔野無脩竹名園擅辟疆舊皮留虎豹

昌黎筍詩看皮虎豹存

新

角茁牛羊淪取庖厨潔饒生七箸香一餐真過分

梅聖俞謝

韓持國貽笋詩  
今年得此謂過分  
今不似在他鄉

放船至因曠洲

露氣烟光潑眼青  
蒹葭影裏見孤亭  
藕梢過港又生葉  
柳絮逐波多化萍  
鶯語忽流何處去  
漁歌合向此間聽  
老夫大有江湖興  
肯讓閒鷗占一汀

乞長假留別院長揆公二首

北道嚴裝日  
院長將扈蹕赴口外  
西窗剪燭時  
兩心多戀戀  
分手

故遲遲  
欸曲行藏計  
纏綿倡和詩  
桑榆收已晚  
後會恐

難期

示疾非無疾藏名亦有名難窮惟佛理易足是官情聚  
散人誰免蹉跎我此行半生知己分投老荷相成

雨中發自怡園再呈院長

迴思風雨追隨地多在園居少在城草木因公皆可敬

東坡詩醉翁行樂  
處草木皆可敬

禽魚與我豈無情編年集換新題目

署尾牋留舊姓名從此高吟應寡和更無人繼老門生

附  
院長作

揆  
叙



一醉筵前各異程  
迢迢沙塞與江城  
欲攀征蓋終無計  
苦挽歸航似不情  
風雨每思償宿願  
亭臺還請署新名  
從今裂帛湖邊月  
長照離人白髮生

車中遇佟陶菴同年

三年不見故人詩  
一笑多成世外期  
君自愛閒求退早  
我方移疾得歸遲  
萍踪浮海相逢地  
柳絮隨風欲散時  
莫怪下車還久立  
老來光景怕臨歧

吳寶崖以西苑龍棚詞百首新刻見貽兼索題

句四首

朝為百賦暮千詩敏捷曾聞崔立之何似吳郎新樂府  
一時紙價貴京師

好譜新聲付樂工半參商調半參宮二千八百驪龍顆  
併入歌珠一串中

圓嶠方壺咫尺移太平景物萬年期丹青繪出殊難肖

輸與文人絕妙詞

時少司馬宋堅  
齋奉 古繪圖

他人才少爾才多珥筆差堪上駮姿可惜得官偏落第

不曾名占百篇科

端陽前二日薄勺庭招諸同年集王園芍藥花

下

綠陰十里豐臺路來趨名園芍藥期良會轉憐經歲少

自去年以來久不舉同年之會好花偏愛閨年遲江郎一夢才輸錦小

杜三生鬢有絲珍重故人尊酒意將歸時節咏將離

酬別陶菴同年六首

出門袞袞怕風塵見面睽違動隔春形跡校疎情校密

可知俱是嬾朝人

入同珥筆出隨

鑿幾載辛勤共跨鞍今日車中思馬上

皇恩直似五湖寬

歸期已是一年淹辭祿能無缺乏嫌慙愧故人親致贖  
拜嘉祇恐或傷廉

河梁錄別意如何真有長歌續短歌不待吾言君自信  
傳人一代本無多

段家橋外木蘭舟唱和曾同扈

蹕遊却與歸人添別恨獨吟怕上望湖樓

君才畢竟為時用我老甘與世辭

王右軍有  
辭世帖

聚散升

沈渾細事人生難得兩相知

題宋蘭暉潯陽送客圖

聊借琵琶寓苦吟多緣淪落望知音後來信有商人婦  
直被香山賺到今

題程萬亭持竿圖小照

已遮西日向長安尚想臨流把一竿寄語能詩侯叔迨  
求魚沮洳古來難

晚香長老六十乞詩

紅椒上人年六十世壽從頭數甲乙朝來隱几夢青山  
過我殷勤約歸日我今面皺眼昏花師亦瘦如枯木查  
童時觀性依然在同閔恒河無算沙

陰雨連綿頗似江南黃梅天氣

乍陰乍晴鳩敗巢半濕半乾蚓出土南中五月熟梅天

北地應呼杏子雨

送蔣樹存出宰餘慶

憶昨領書局羣英集金鑾蔣生預校讎臭味吾芝蘭趨  
階或聯步會食恒同餐六時數晨夕三歲離暑寒書成  
上

御覽名姓列簡端聚散夫何常如沙孰能搏同儕三十  
輩一一爭彈冠我已病乞身子行方得官不以出處易  
儼然平生歡叩我蓬華門送迎諒蹒跚谷風有遺棄責

善人情難古義胡足論世途良可歎子今又遠別迢遞  
赴花蠻黔俗我所諳雁戶雜猴柵陰多晴日少霧氣昏  
漫漫長吏雖難為苗民豈真頑竇輸况無幾期會務使  
寬訟簡案牘稀地遐心跡閒時時弄筆墨哦咏于其間  
亦足以自娛因之報平安好音望頻惠綿邈非關山

乞歸候

旨未得成行寓庭雜蔣草花用以遣日吟成四首

歸心一以動如馬渴思騁乃復繫維之動中反吾靜于



馬寓草木幽事閒稍領既栽須有溉生理視俄頃未免  
擾隣家朝朝汲甘井

瓦盆列羣卉紅白非一種經旬排比開含意似矜寵閱  
人成旦暮偷負力何勇取笑桐柏材十年方把拱

開亦勿德雨謝亦勿怨風榮枯兩適然了不關化工化  
工倘徇物毋乃與物同所以老子懷痴頑若孩童

京師看花人汲汲需代匱主少十日情市多三倍利方  
從擔頭買旋向牆角棄不念花有根初為悅目地賞新

宜置舊何用發深喟

次日社集張匠門齋同人皆和余種花詩再疊

前韻四首

平生數交遊湖海浪馳騁邇來嗜好別取友亦取靜與  
君隣巷居跬步煩引領濶疎輒累月會合或食頃一笑  
兩心同無波如古井

君鬚尚鬢鬢我髮已種種引諸同調未推許荷光寵栽  
花坐無慘決去愧不勇焉能久爵爵而待宰木拱

草木茁苔穎好詩來清風中有元氣存豈謂屬和工羣  
公富揮灑下筆無雷同挹彼山下泉為余發蒙童

造物閱古今生生本無匱何論材不材固有利不利晚  
容桑榆補蚤恐牙蘖棄願將種花心移作樹人地母使  
後來者仍滋慨然喟

題王石谷為張超然畫旌節圖

王畫此圖  
九年始成

張母早喪夫張子幼無父却將歿後榮報答生前苦有  
鹿不觸墳上松有鼠不穿墻中土天生異類猶多感孰

謂人情不如古王君作畫踰九年此事此圖皆足傳我  
詩豈獨稱子孝亦使後來知母賢

去夏手植盆榴二本今年一枯一榮有感而作  
庭下兩盆榴經春謂已萎其一雨忽生病夫眼雙洗枝  
端抽綠葉葉底粲紅蕊蕊綻復吐花花殘旋結子依然  
還舊觀去聲慰我岑寂裏生存日向榮死者為薪矣有情  
兼弔賀感歎為賦此

院長貽嶺南椰子

椰子產番禺垂大如斗其皮堅以鞞既剝且難剖誰

致越王頭

齊民要術云椰子其俗謂之越王頭

不脛而北走微凹陷兩目

鑿竅通一口轉側初有聲俄傾半升酒

東坡椰子冠詩半升僅漉淵明

酒閒吟出既醉義愧餉師友

梅聖俞謝李獻甫餉椰子詩我獨愧先生饌致崇師

友

### 林鹿原餉武夷茶

頭網拜賜吾何有細色徒聞馬上誇何法商量好消渴

都籃分得大窠茶

梅聖俞新茶詩大窠有壯液所發必奇韻

木本金銀花十四韻

本是沿籬蔓今成傍砌栽瘦根形促縮短梗狀堆厖鳥  
爪拳筋立蛇皮換骨來忍冬經凜烈入夏應恢台長乳  
層層發幽花對對開雛鶯飛閃爍小鶴舞培摠蝶粉悠  
揚墜蜂鬚颭灑迴金銀分老穉黃白變胚胎最好清含  
露尤宜薄戰雷痛須芟冗葉惜勿剪條枚就影移書案  
留香泛酒杯資生無秘術入藥即良材病檢醫方熟閒  
從物性推不貪能識氣衆眼漫相猜

庭西牽牛子新苗競發喜成十韻

手種牽牛子根株粒粒成勾尖看乍破兩葉喜先萌  
長論分寸為時閔晦明立苗防細弱插竹與扶檠  
遂有纏綿意偏多附麗情疾風從偃仰猛雨賴支撐  
地力隨肥瘠天機示發生幾時花逞艷連日蔓交繁  
寓目聊充玩消閒亦強名料他秋爛漫我已赴歸程

和張日容嘲薜荔二十韻

薜荔爾何物纖微孰比方胡然纏宇下只合繚崖旁  
政

政工緣辟離離巧纂塙性因柔善附地以瘠為良松柏

寧勞施絲蘿故自張龍鱗移不易

宋史李彥發物供奉大類朱勗如龍鱗辟

荔一本筆致之費踰數萬蛇蚶斷無傷及見紫根密俄驚引蔓狂嫩

莖繩絞繳大葉羽披猖山鬼依棲暗

佛典呼餓鬼為辟荔

湘君結

託荒罔悼憐屈宋

九歌罔辟荔而為帷

靡席笑班揚

甘泉賦靡辟荔而為席

雜蕙紉為佩輸荷緝作裳寒枝頻颭影貫藥罕聞香離騷

貫辟荔之落藥

好補青藤援休侵白玉堂移文累芳杜

北山移文豈可

使芳杜厚顏

作賦混蓀萐

張衡南都賦草則蓀蓀萐若薇蕪蓀萐長

誰遣臨



書幌兼能罩筆牀，有時經雨潤。逐日領風涼，稍自隣家放。陰留夏景長，卷簾交竹翠。曳杖點苔蒼，大抵詩騷意。多從諷諭將，勿唾吟小草。中有好篇章。

晚香長老贈桃枝竹杖

六尺桃枝杖，將歸荷見投。健添居士足，高出老僧頭。與鶴誰先到，為龍寧久留。撥開塵土窟，遲爾入山遊。

同人集棗東書屋分賦二首

春偷桃杏妍，夏竊芙蓉艷。秋榮雜桂菊，冬至亦時飲。樂

子之無知多將四時占

月季花

小小黃金花媚人如自獻聊陪今日賞適我他方願衆

醉敢獨醒不勞持盞勸

金盞花

汪陞交郡丞屬題負米讀書圖時將赴任潮州

即以贈別

汪子客京華氣豪心悒快高堂有母在恒結白雲想皇  
天憐斯人得舉甫一上南宮輒唱第盛事快探掌早知  
給舍官不及州邑長題輿行佐郡得祿猶逮養潮海萬

里程翩然捧檄往過家拜白髮喜氣春盎盎却憶負米  
時悲喜異今曩平生讀書力篝火依績紡食報理必然  
問言受如響丹青非苟設風義行可廣題作贈行篇披  
圖愜神賞

題故汶州太守潘君畫像

士當未遇時往往慕好爵及乎嬰世網又想田園樂田  
園豈不好世網多被牽興罷乃徑歸斯人得非仙廿年  
客京洛未識斯人面山光竹影中髣髴如相見

送同年劉大山應

名赴行在三首

且喜南冠不到頭復趨幄殿侍

宸旒恩威天大殊難測去住身孤可自由沙澗草香知  
麝過林蹊月黑見螢流識途老馬今閒放歷歷從君話  
舊遊

行行莫慮出關遙司馬臺東景色饒禾黍連塍無棄地  
松杉夾岸有浮橋霜收野果丹砂實雨剪山蔬翡翠苗

一段閒情知不乏也應問答到漁樵

弱羽迴翔又一時  
鍛禽來拂鳳皇池  
重回蓬島游仙夢  
別擬山莊應

制詩眼望青冥行得路  
心憂白髮見無期  
臨岐直是難  
為別二十年來兩故知

畫叉

我有古玉器畧諸片  
青檀烟如一鈎  
月映出初三天  
纖纖銳兩頭  
弓勢未扣弦  
下連徑寸靶  
中竅外規圓  
愛惜

徒手摩致用無由緣昨得桃竹杖肌理細且堅命工稍  
斲削冠玉于其巔呼之曰畫叉古製想當然東坡昔居  
黃刺有掛壁錢持叉日取百月費猶三千我今已鐫俸  
仰屋方高眠夫豈有餘資貫穿梁上懸叉成等無用一  
笑仍棄捐何如刻作鳩扶我歸農田

題王石谷山水四首

浮嵐暖翠望重重幾道清泉出古松知有僧樓尋不到  
似聞一杵隔雲鐘

水匯山環去復回  
林端無徑不梯苔  
石梁果與天台接  
可許人間肉馬來

想當潑墨目無前  
董巨源流却井然  
天下溪山皆粉本  
空中結構是雲烟

朱瑤晚輩今多小  
真蹟尤須愛惜看  
見說山人年八十  
白頭重畫此圖難

留別潤木即次第送行原韻四首

誰能問舍更求田  
車自今懸室早懸久  
病我忘官爵好

同朝人羨弟兄賢魚隨水退先歸壑鴈逐雲飛尚各天

時德尹嶺

南未歸 若是登真須拔宅良常何敢獨為仙

幾夜連床聽雨聲却教離恨此中生貧思飽煖原奇福

老戀桑榆亦至情出處多岐非意料去留無累稍身輕

只愁五十平頭客婚宦何時了尚平

弟今年五十矣

指點林廬眺望賒曉隨門鵲暮棲鴉桐為先世成陰樹

池上梧桐

先君子手植二十年前已

合抱宋人稱韓子華兄弟為桐樹韓家桂是吾家及第

花 吾家廳事前銀桂五株自癸酉以來每達科詔兄弟  
子侄輩有獲雋者必發金花一枝為先兆歷歷不爽



屋後籬疎須補竹，牆西地瘠想宜茶。得歸已乏躬耕力，  
種植書中課有加。

事兄慙愧竟如師，至性怡怡實在斯。何日始酬偕隱願，  
向人羞乞買山資。夢餘得句憐靈運，膝下成名愛阿宜。

杜牧與侄阿宜詩連年拔科第若摘額  
下髡時五侄克紹新舉京兆故云然

此外升沈皆分

定吾言雖淺要尋思

留別詩社諸同人次張匠門見送原韻

去住何關此一官，衰年只別友朋難。烟霄過眼看如霧，

草木論心臭比蘭身在夢中誰獨覺事當局外每長歎  
是間著我初無謂獅子林中一野干

禪宗語錄有野干  
隨逐獅子終不成

獅之  
語

白頭白盡想巢南早署菴名未有菴跡已收雙屐在  
歸裝猶累一僮擔高僧瓶鉢原初約老圃桑麻豈腐談  
多謝故交頻戀別尚容諧謔互相參

匠門以瓶蓮十二韻索和次答

脉脉凌波質朝來帶露攜出瓶看蕊綻照眼得花齊長

養仍資水清幽更洗泥畧教分向背初不競高低欲語  
殊多態何愁自少啼艷將同洛浦愛豈獨濂溪有客尋  
池上無魚戲葉西依稀能忍笑綽約好防迷顧影移秋  
蝶分香夢夕鷺暑颺迎淡淡涼雨避淒淒立傍屏風鷺  
談親塵尾屣涉江吾擬采先與報箋題

題吳寶崖荏山讀書圖即送其出宰荏平

無事飲犀首亡何飲素絲飲之為功固不細阮能罷哭  
陶忘饑張芝李白大暢此中趣可以狂草可以詩逃名

混跡靡不取獨於從宦非其宜何況邑宰寄民社設遇  
煩劇尤難為吾黨吳生性耽酒其人磊砢而英竒今將  
行作吏得縣古名荏有山衮衮東南郵有水雲雲西北  
馳中間曠行百餘里厨傳四走當衝達似聞齊俗夙健  
訟邦治邦法難兼施書生習氣要一變嗜好勿使旁人  
窺仕而優則學二者恒相資公餘讀書良有味絕勝千  
鍾百榼痛飲誇淋漓勸君可止則徑止未能遽止請損  
之贈行實關朋友義吾言雖戲庶可以箴規

諸君為余作桃枝竹杖歌余亦自賦一首

勞不得及奔馬逸不得乘安車飛不能羣衆鳥游不能  
隊潛魚無端人趨我亦趨倉卒一蹶誰當扶七尺之杖  
六尺軀

聖恩寬大容田廬歸與歸與吾與爾俱杖國雖不足杖  
鄉已有餘

苦熱

不辭河朔飲酷暑竟難逃高屋同炊甑輕褱劇縕袍石

欄乾迸火松柱液流膏嗟爾巢棲者多應厭羽毛

題莊書田笠屐探梅圖

杜家亦有笠謝家亦有屐何必眉山翁區區擬其跡身  
挾冰雪骨曾貯冰雪文但遇梅花開入山尋白雲白雲  
舊在題詩處畫裏溪山能久住君今笠屐且閒拋借與  
歸人作遊具

仇山村詩翰一卷乙丑秋於竹垞寓齋見之偕  
故友魏禹平題名其後未幾此卷歸吾鄉高文

恪公又二十九年癸巳公之孫礪山攜至京師  
屬余題句存歿之感愴然于中聊附數言以志

歲月

四百餘年翰墨新流傳重是宋遺民論詩正爾空當代  
展卷渾如遇故人世閱古今雙轉燭事闕存歿一傷神  
先公手澤依然在肯使桓厨費亂真

題鄭寒村為魏仿韓畫棲鶴圖二首

鳧雛鴈子影參差  
遶羽羣窺浴鳳池  
爭及寥天秋一鶴

巢松獨占舊高枝

攜將鄭老一幅畫來索查田七字題我是人間退飛鷁  
相逢只愛說巖棲

題泰州宮氏春雨草堂圖

于野去山遥環城為水滙草堂築其上春雨名猶在老  
木皆十圍湖龜兀硯磊問君今幾世物色舊無改正賴  
後多賢畫圖益精采鯉魴富罩汕蝦蜆蕃菹醢樵去唱  
烏鹽漁來歌款乃路迷葭茨岸舟出蒲蓮海我欲溯回



從蒼蒼隔煙靄

觀蜘蛛布網

小童持竹竿簷角除蛛絲既除旋復吐日事經營為爾  
網密以張爾腹恒苦飢羽蟲投一目所獲良已微並生  
天壤間動者羅禍機兩皆置得失且復吟吾詩

洗象詞五首和顧俠君

畫鼓聲中緩步來紅旗影裏撇波開都人六月汗如濯  
慣是一年看一回

俸料新加例有無尋常已飽大官芻被他三品閒鷗笑  
出沒成羣聽象奴

兩齒齶然臂聳然老于糟榼浴于川就中云有前朝者  
曾見

天家破賊年

相傳李自成僭號登極時象  
有流涕者入本朝馴服如故

角壯浮深去復迴舊鞍重與拂炎埃也應三日同休沐  
辛苦終年立仗來

衆裏觀場老比丘粗從三喻識沈浮兔迓馬跡紛紛渡

徹底輸他是截流

題俠君噉荔第二圖

醴泉甘露吾不知人間絕品惟荔支  
惜哉遠落閩粵徼為候又與煩蒸期  
四月則太早七月則太遲佳者孰當  
小暑時闌風伏雨交紛披炎官火傘  
赫赫曦養成姑射仙山肌冰丸雪片  
不受嚼化作涼液沁入人心脾我昔  
遊閩遇歲稔日噉四百五十顆有奇  
爾來喉吻久枯澁北果厭摘頻婆梨  
故人密漬或遠致四三五枚蒙見貽

色香味三了無取但覺一甘入頰膠如飴十年夢寐西  
禪枝仙蹤縹緲胡可追顧侯好事乃過我閩產粵產魚  
嘗之初嘗得火山名雖曰荔格實卑繼而得挂綠漸入  
佳境方稱竒生綃半幅寫不足擬再乞畫還徵詩今君  
已為一組縻畫餅說食徒爾為我歸大作口腹想嶺嶠  
雖遠不過天南垂鷓鴣孔雀成羣飛老夫興發神與馳  
齒牙缺落舌尚在清泉涌穴漚漚先流頤

藏經匣歌 并序

匣漆皮為之無縫不可開相傳古羅漢寫藏經銅  
其中長三寸許濶二寸許厚不盈寸正面畫佛像  
一尊背及四旁俱有梵書西域喇嘛僅識其半云  
此大西天字也彼中奉為法寶流入中國者七部  
四部藏匣內三部藏佛腹中好事者啟視壞其一  
今在人間者尚有六部此其一也佩之水火盜賊  
不能傷魍魎魑魅不能害云中州李庶常牟山出  
以見示成長短句一章

毘勒最初藏三百餘萬言後人憶誦少從簡刪其繁餘

存三十八萬四千字梵夾秘在菴羅園

大論云毘勒藏有三百二十萬

言佛在世時所造後人憶誦力少不能廣誦撰為三十八萬四千字四十二章經流入震

旦同河源六朝南北洎唐代高僧輩出如雲屯兩伊合

新舊

西方有新舊兩伊猶此上之篆隸

悉本經義為譯翻後來廣增律

論部與經為輔傳仍昆白馬詎勝馱劫火安能燔云誰  
收入方寸篋三藏奚翅千千番相傳阿羅漢恐是須陀  
洵手摹梵天書流布于九垓中國凡七部一部已壞其

六存六部之中此其一佩此可以安神魂洵若彼所云  
西江一口何難吞吾聞釋迦教率以譬喻論有如須彌  
山納一芥子大海水吸玻黎盆細入無縫大則包乾坤  
撮搏寶掌成胚渾世人自昧真實諦暗鎖白日長昏昏  
疑者以為無空諸所有胡得焉信者以為有實諸所無  
非本元語言文字互膠擾證入不二于何門安得霹靂  
手稽首兩足尊鑿開真函破妄見是則名為報佛恩

咏周尊彝十六韻

形方而墮兩耳四足中有古篆魯公作文王尊彝七字無

銘詞歲  
月可考

三代多銘識圖從博古援世惟金石壽今覺鼎鐘繁

庚子

山文公侯復  
始鼎鐘逾繁

此物傳周器何時入國門問名充象著索

價重瑤琨魯國年無紀姬公典幸存啟封從聖子近裔

屬文孫大祀新宮煥東藩古制敦

少陵詩宗  
卿古制敦

百遷偕蓋

蓋五獻設彛樽螭虎形差肖夔跣勢若蹲比劍安足穩

似鬲取唇反

叶平

上聳環堪貫中虛腹可捫規模因樸著

容受以升論黯黯苔封色依稀土蝕痕俯將輕漢爵前





鷓鴣隊裏一沙鷗飲啄曾同十載遊今日分飛憐隻影  
烟波滿眼又回頭

戶小先拚入醉鄉解衣盤礴自生涼定知此後同年會  
故態猶能記老狂

自怡園二十一咏偕西厓前輩賦呈副相揆公

筓管塢

游人裾上塵馬跡門前路一徑轉琅玕蒼然三里霧

雙竹廊

七松少傅宅五柳徵君屋  
輸此十步廊天生兩竿竹

桐華書屋

亭亭百尺枝下蔭一欄  
翠童子正開門桐花風滿地

蒼雪齋

碧玉方開籜量成六寸圍  
濯枝多雨露新粉欲沾衣

巢山亭

遠移三疊屏突兀凌空起  
勢壓小亭低前臨一潭水

荷塘

記得初移藕田田貼水荷香風隨權遠花枝去年多

北湖

放眼際遙碧近身葉似舟鴛鴦最相戀驚起却回頭

隙光亭

一片平頗黎穿林光瑣碎閣欄如鳥巢隱隱柴其內

因曠洲

洲勢極空曠旁分幾派江因添方丈室面面與開窗

邀月榭

月出東皎皎月落西茫茫有時夜無月倒影搖湖光

蘆港

春漲今年足蘆根上岸生人間正炎熱物外已秋聲

柳汧

千株萬株柳夾浦濃于黛忽度一聲鶯濛濛烟雨外

芡汧

芡是吾鄉實充盤憶水羞羨君池汧上兩處種雞頭

院長

城居在雞頭池上

含漪堂

涼從何處來  
適與披襟遇  
風過水微波  
于中得佳句

釣魚臺

璜溪坐姜叟  
濠上遊莊周  
果若知魚樂  
不妨施直鉤

雙遂堂

心跡既雙清  
宦遊亦雙遂  
一事勝香山  
公頭白猶未

南橋

兩崖石齒齒  
一壑流瀲瀲  
橋北與橋南  
仙凡此分界

紅藥欄

手自栽紅藥旋開穩重花禁中吟未足歸到日西斜

靜鏡居

先生靜多妙跡顯心逾靜借問祖師禪無塵安有鏡

朱藤逕

十萬寶瓔珞舉頭迷下上好笑王君夫紫絲開步障

野航

野趣隨所寓陸居同水宿偶以舫名齋已忘舟是屋

次答廖若村同年贈別原韻二首

六人三載同書局出入羣聯鴈一行

武英殿編緝韻府  
余與若村吳山掄

宋山言汪紫滄錢亮功  
六人皆癸未同年也

自比蟲魚辭蠹簡忽投珠玉滿

奚囊感深紈扇秋風篋夢散宮衣舊日香敢對離筵論  
後會直緣情重不辭觴

此身無用且分飛却望晨霞阻夕霏竹簟暑風攜枕去  
蘆塘秋雨待船歸長留異日心期在莫謂同門出處非

李願詩在昔同門  
友如今出處非

好片泖湖煙水色願隨老鶴息塵機



尊公先生余癸酉同年  
聞尚有彈冠之興故云

送陳秋田赴叙州長寧宰

鈎棧連雲幾百盤  
漏天南去尚漫漫  
一身多累無長策  
萬里巖程似左官  
小邑攜家須約俸  
故人臨別勸加餐  
輿圖盡處江山麗  
只作當時荔浦看

君前任荔浦自  
言山水極佳

棗東書屋大雨聯句

炎敲釀昏夢猛雨發疲曳

郭雙村

補天潛女媧射日恣后

弄宮怒堂

銀界指河傾畢躔知月離

潤木

三光乍弛職九野

悉蒙翳

野 顧秀

陰陽兩相賊水火時為帝得非崑崙囚倏

受顛頊制

悔 餘

暑路舞商羊朱波騰黑蜮

芷 繆湘

酣麈鉅鹿

戰奮助昆陽勢

汪退 谷

電母掣礮雷公拔精銳

張匠 門

蛟

螭牙爪活虎豹股栗斃急點繩脚粗密飛絲縷細郭簷

垂匹練下庭漲立談際

宮

奔渾赴溝渠淼莽連埤坵森

森竹箭直滾滾浮漚繼

木 潤

大麓易以迷繁星恐不繫顧

巢饑有鳥啄葉啞無蜩嘒是處長蓬蒿何人理蓀蕙

餘 悔

羣淹窘政息烝涉愁厲揭

繆

入市募盪舟行泥禹來搃

汪  
車輕難就熟馬怯失奔躔張滑達喜兒童沾濡憐僕

隸郭盆荷卸浮瓣林果脫危蒂宮青沈兔目槐翠刷龍

鱗潤薛柳腰任自誇葵足寧煩衛顧醜石苔髮披枯槎

菌釘贅悔餘鶴鳴蟻封徙蚓吊蛙坎瘞繆陰穴咽暗啼高

翹惜華毳注鷹鷗尚屈猛燕雀盍少憇張萬里覘郊畿

八埏首幽薊郭遙傳地欲浮仰視天方憊宮泔泔衝塞

去岌岌排墻速富粟慳賣珠貧薪劇對桂潤西北正愁

霖東南想連暇顧金隄做楫帚薄產關種藝或者太浸

淫將母成滲沴可無魚鱉患且免蝻蝗蔽農占覲有秋

王省實惟歲

悔餘

丞相調玉燭

至尊執寶契

繆

旱澇互乘除豐凶恒酌劑

汪

吾曹復何

事良會况有例

張

雖非酒為池幸以瓦為袂郭居人宅

如泛過客駕頻稅

宮

何勞禁足方自頌安心偈

潤

詩社

得陶潛飲徒偕將濟

顧

遠坊輪蹄散深坐吟箋遞借驢

罷朝謁躡屐寡參詣宴樂需雲宜括囊坤象閉防虞沈

竈事倉卒移床計

悔餘

零瀝似啁晰傾倒敵慄悵

繆

閉齋

一喧寂浮俗等塵壚

汪

盤餐省癡蠅墻壁剝牡蠣

張嗟

我孤影形愛君好兄弟束帶已發狂解衣復成噫延擣

吹月瑄袖挾掃雲篲索醉來已遲忘機止或泥郭流連

永今夕唾涕棄一切從教清漏移莫問明星曙刻殘三

寸燭哦出五言製手寫類蠶眠口占非獺祭

潤

木推顏興

易盡爛漫詞多綴瞥眼過氛烟倒頭成夢寤去將荷蓑

笠歸及鼓舟樵老翁何所求却立望秋霽

餘

### 題潤木閉門采詩圖

子初僦居槐樹街尋常兩板何曾開開門偶為買花出  
一月上市凡三回長椿寺前紅紫街木本價昂草本賤  
買其賤者兼取多意在閉門觀物變煌煌自昔帝王都  
眼中變幻何所無無情草木有榮悴况此假合成形軀  
色塵未透初禪界昨者米詩今米畫坐消光景向閒曹  
何日粗償焚券債故園松菊荒荆榛花間夢斷如隔晨  
當時看爾年最少已是半百平頭人我今念念成枯槁  
輸爾圖中顏色好遲留且耐十年官六十歸來未為老

牽牛作花十二韻索匠門諸子和

過雨簾櫳潤微涼院落幽老翁開笑口小草拆花頭名  
自雙星得時將大火流若非經閏月已是報初秋綽有  
含風態其如見日愁霞朝房早歛露夕蕊重抽續續如  
相替匆匆可自由及時催絡緯連類况蜉蝣艷極那能  
久嬌多孰比柔且依行藥徑勿傍曝衣樓急景何顏駐  
餘光瞥眼休似憐歸日近作計與勾留

旬來多雨聞廣寧門外泥深數尺歸期蹭蹬書

遣悶懷

天行當溽暑水勢汨郊原歸計尚難料世途安可論投  
床聽暗雨倚杖望初暎賴有同心友衝泥一扣門

匠門  
單騎

過見

寄祝劉遵菴光祿七十壽

我昔皖上遊過君之里第南陵好山水風俗古不替君  
時已挂冠鄭重敦夙契開園設几席話舊接襟袂次第  
見諸郎森森盡蘭桂一別十八年回頭如隔世聞君今



七十精米溢顏際室有參語賢齊眉正同歲全家多道  
氣此福天所畀養壽得竒方烟霞閱清閼假如在高位  
已合懸車例何似白樂天林泉早為計

有

詔於金州衛立水師營即以海賊之新就撫者充其弁  
伍草野迂儒無從獻末議漫紀十六韻

詔設金州戍今為要害城水軍嚴約束海寇戢縱橫控  
險非榆塞分屯異柳營渠魁推作帥丁壯藉為兵甫脫

檻車困還加擊帶榮戰船齊魯給餽餉薊遼并貫罪  
恩良厚優降事不輕波濤通外國帶礪近陪京欲以招  
餘黨因之息遠征

睿謀虛聽受廷議集公卿實藉綢繆計俄聞贊畫成聚  
蛇為窟穴圈虎傍茨荆鷹眼終難化狼心故自獍徒戎  
宜有論賞賊似無名世孰防牙孽人方恃太平區區誠  
過慮笑爾一鯢生

次和匠門雨中白蓮十二韻

玉井如船藕移來是白蓮  
花開元澹澹雨洗更娟娟  
出浴全身潔離塵一鏡妍  
細珠留的顰活汞走勻圓  
太素知無匹孤標儼得仙  
靈根超十地色界淨諸天  
影濯銀河畔香清羽扇邊  
質迷深自隱絲引誤相牽  
帶笑聊悠爾

爾

李羣玉詩處  
世心悠爾

含悽莫泣然凌波愁浪惡  
傾蓋望雲穿

江浦舟遲泛相臯佩合捐  
輸他冰雪咏孰與鬪便嫖

### 次韻匠門陰雨不止

魚旬雷失威入夜雨尤猛  
欠伸局腰脊靡騁瞻項領  
流

惡溝瀆盈居汙箕帚屏千門烟勃宰九陌路壅梗童出  
怕淤泥婢炊愁濁井桁衣變黴黝襪被感單冷庭作沼  
聚漚簷為瀑垂綆誰歎請祈禱古者有修省澤馬兆何  
祥坎輿戒多青清吟名蝸蚩怒叫禁蝮黽庶令沴氣消  
徐俟曦光晒人胥出淪溺吾亦散憂狀世事疾轉園天  
心易翻餅勉旃毋多談行矣需少頃歸途指蝮螫去意  
隨舩艫此時咏君詩有味彌雋永

六月十四夜久雨忽霽小庭涼月如秋五更起

坐即事成咏

夜靜窗微明雞鳴曙猶未攬衣步庭下簷溜初止沸斜  
月在西南殘雲風掃既銀河洗我目玉露清我胃一涼  
襲虛襟餘潤及羣卉流光闋醉夢好景失聾聵獨有無  
寐人先知秋氣味

喜晴次匠門韻二首

正爾巡檐嘆伏陰忽開霽色見天心月將東出氣尤爽  
火已西流炎不侵

後三日  
立秋

赤脚一雙休踏履白絲半頂

喜抽簪呼童急掃堦前地準備高人策蹇尋

勿論熱熟與生疎

禪家有熱熟處求生疎語

閉戶多時出少車隔宿

傳詩邀客和歸期檢歷遣兒書徑鋪嫩鮮擅相似盆艷  
秋花錦不如更貫迎涼一瓶酒此間何事可愁予

院長近以赤藤杖見贈合之前詩意蓋欲易我  
畫叉也作詩報之

昨以病乞假先鐫半年俸挂杖坐無錢棄杖辭寓諷實  
則心愛之時時手摩弄貧家乏冗物一竹當兩用挂畫

乃名義隨身即為從先生欲巧取猥以赤藤送此藤產  
塞山年深蟠石縫細筋漸成骨直理透條綜堅如鐵鑄  
成亦可扶躑躅壁來田不往曲直何足訟平生車馬裘  
義取朋友共於茲獨有恡貪得比藝種挾兩詎為多失  
一宥輕縱公廉忍見奪我寶彌增重幸賜雙杖銘俾得  
終身誦

立秋前一夕匠門席上作

此會循環忽五年老於交誼倍依然何曾清景辜風月

又聽商聲入管絃  
齒序慙予居客右  
詩成君肯讓誰先  
眼前看是尋常事  
或有人從異日傳

立秋疊前韻用唐竇常詩作起句

筭老重經癸巳年  
况逢秋至轉淒然  
露灑漢梧徑蕭蕭  
葉雨上琴床  
緩緩弦是日復雨  
萬事蹉跎羊視後  
一帆迢遞雁

爭先候門知有兒  
孫在烏鵲連朝喜  
浪傳

是日繆湘芷攜酒看  
就余寓餞別偕匠門  
秀野

潤木三疊前韻



風雨相留欲判年足音蓬翟喜足然情知老馬難回策  
目送歸鴻又拊弦擘紙聯吟豪鬪健圍碁賭酒怯饒先  
時與匠門對局  
賭酒互有勝負良辰一醉誰拋得生怕狂名被俗傳

次汪紫滄同年見送原韻四首

鱗思反壑羽投林知我誰能諒此心引疾敢云臣計早  
得歸尤荷

主恩深裝輕似葉行添杖筆秃如椎懶廢吟只有故交  
忘不得每從別賦感登臨

新詩字字比驪珠懷袖分光照座隅畫裏烟波鷗境界  
燈前風雨雁程途金蘭義重言多苦藥石功深病或蘓  
却笑迂疎真不揣欲將農圃傲蓬壺

月華南畔浴堂邊形影相隨近十年雲步改遷尋丈地  
霓裳吹散大羅天曾叨香案稱清吏誤藉蓬池作謫仙  
努力文章留報國尚餘殘局在芸編

不貪支俸給官薪分定榮枯付往因自信我為當去客  
劇憐君是未歸人一身只要貧長健萬事休憑夢當真

別後有書煩屢寄，免教北望苦馳神。

立秋後三日，匠門家集梨園為勝會，再邀余入

座四疊前韻

夜似長年日，小年逢場何忍獨醒然。野王岸上停三弄，  
司馬江頭輟四絃。月裏霓裳聽乍徹，座中白髮感尤先。  
梨園法曲皆供奉，或恐人間是別傳。

道山亭在福州城內，宋程公闢為守時所建。曾  
南豐為作記者也。歲久傾圮，林子鹿原得其故

址將築堂名以辨香蓋取陳后山向來一瓣香  
敬為曾南豐之句屬友人繪圖來索詩

宋時道山亭叔自程太守南豐與作紀膾炙人在口從  
此此亭名遂為曾氏有歷年經八百頽廢來已久鹿原  
嗜古人尋碑攘榛數擘窠三大字云出林希手其字今  
倖存其人無足取大哉復古義義取別賢否築堂名辨  
香欲以妍黻醜在昔陳與曾同時實師友子今生末世  
獨立嘆無耦私淑夫豈徒行將奉箕帚庸非學問力即

事期不朽我昨遊三山探竒意多負銀袍者誰子曾解

讀碑否

劉後村福州道山亭詩城中楚楚銀袍子來讀曾碑有幾人

警露軒鶴雛為鹿原賦

吾聞鶴之性與露最相警軒以警露名借鶴用自省今年果得鶴先後名實併出殼曾幾時風標已閒靜仰窺俯有拾咫尺回素頸主人院落寬老樹蔭苔井雞羣知獨立瘦骨挾仙影未得戛然鳴奈茲秋夜永那天會有日羽翮在修整

題樓敬思夢洗三硯圖二首

曾於夢裏得三硯三館今來校秘書不信校書真應夢  
但拋心力注蟲魚

夢筆如江夢鳥羅微凹聚墨不爭多文章豈必關神授  
知有工夫在洗磨

次韻奉酬院長西厓前輩贈行之句

直從毛羽假翩翩

用南史蕭引傳中語

送我歸耕潁上田  
比校鷓


鷓宜落後簸揚糠粃愧居先  
東門古有迴車路西夕天

留養拙年且喜歐陽為學士蓬山領袖得詩仙

附  
原作

湯右曾

鷓鴣臺閣正聯翩忽賦歸與種秫田為樂恐教兒輩  
覺生天一任丈人先元和體有三千首謝朓才論二  
百年我欲舉君還自代似君真合領羣仙



敬業堂詩集卷四十一



欽定四庫全書

集部

敬業堂詩集卷四十二

三

詳校官在中允臣瑋五珠

助教臣常循覆勘

總校官庶吉士臣倉聖脉

校對官中書臣雷純

謄錄監生臣胡澄

欽定四庫全書

敬業堂詩集卷四十二

翰林院編修查慎行撰

計日集

起癸巳七月  
盡十二月

暑雨連旬初秋就道自去年二月引疾乞休及是  
六百日矣淵明云行行循歸路計日望舊居而今  
而後歲月庶為我有乎

七月朔長假出都諸同年同學祖餞於廣寧門

外即席留別

襍被蕭條去離筵鄭重開大生歸子色榮捧故人杯紫

陌回頭隔青山就眼來渭城歌最好朝雨浥輕埃

是日微雨

蘆溝道中遇德尹自嶺南典試回京

出入如相避翻驚邂逅緣遠來君報命獨往我歸田別

緒三秋鴈吟情一路蟬對床風雨約迢遞待明年

弟臨別有

明年乞歸之約

涿州待渡

督亢陂邊柳秋條尚蔭人浮橋經漲斷驛路出泥新兀  
兀欲成夢皇皇多問津讓他車馬客爭渡入紅塵

暮投三家店

不敢怨泥塗來當積潦餘羣羣逐鵝鴨處處阻溝渠酒  
肆蟻爭埵瓜棚蠅趁虛也知皆逆旅到此復趨趨

過新城留別虞武通同年

舊宰茲邑因  
大計降調

赤縣當煩劇期年極苦辛心勞書下考官罷得長貧世  
議近逾隘交情老自真西湖有鷗鷺遲爾作閒人

白溝道中即事

水利遺塘灤燕南怕雨多原田平少岸沮洳溢為河改  
路尋牛跡分裝累馬馱艱難愁一老蒿目意如何

未至雄縣二十里老僧寧初新菴一菴避暑小  
憩遇汪苻洲前輩自吾鄉典試回茶話移時而  
別

精舍何年築前臨古堞旁征途尚炎熱佛地果清涼却  
扇邀僧話分茶與客嘗班荆留數語後會兩茫茫

雄縣早發

秋暑如三伏僕夫貪早涼孤城浮水氣匹馬望星光  
下田塗白風來苻藻香行行天漸曉柳外見帆樯

庚午二月與姜西銘同飯於趙北口姜食魚被  
鯁以酒下之徑至大醉一時傳為嘻笑今復經  
此悽然感懷

二十年前路髯姜並轡過食魚憐骨鯁下酒怪顏酡  
老友他鄉盡吾生去日多向來談笑事淚雨變滂沱

解渴吟

勞人兼病暍一勺望甘霖直覺烹茶緩還嫌汲井深蟬  
清惟脫殼柳老或空心我是忘炎者聊為解渴吟

賣瓜者

辛苦瓜田叟瓜成計息微物因多致賤人以渴充飢肯  
守傷根戒行將抱蔓歸食瓢多棄子遺種漸防稀

商家林買草笠

頭輕宜戴笠野服換商林雨庇全身濕晴邀片席陰下

車寧望揖上馬憶曾吟

往年隨駕清暑奉官俱戴草帽余曾有詩紀之 旨從青

翁平生夢蹉跎直至今

余又有謝賜魚詩云綠蓑青翁平生夢臣本烟波一釣徒

### 肩輿

禮有扶衰病吾今釋負擔徒行何不可安坐得毋慙未  
免役人力將何解謔談香山援舊例陋巷得乘籃

樂天詩陋

卷乘籃入朱門挂印回

### 曉過德州感舊

閱徧畿南驛禾麻喜歲豐平蕪千里碧初日半天紅世



故論今昔

皇情荷始終

壬午冬召見德州行宮隨命入內廷

十年牛馬走力盡往

來中

旅店七夕懷德尹潤木兩弟都下

燕齊風一變

連日苦熱今朝頓涼

邾魯柝相聞弦月涼於水繩河

澹入雲鷄鳴無失次鶴警不離羣誰念獨吟客油燈坐

夜分

曉入高唐州境始免泥淖之苦

遙遙三十里一塔表州城海市奇觀失

夢溪筆談歐陽公至高唐館見

沙中車馬人物歷歷可辨時謂高唐海市

沙程病骨輕車行出糜淖人意

就寬平方朔祠邊路

城北舊有東方朔祠

南來第八程

### 扶犁叟

傴僂出茅茨扶犁長恐遲辛勤憐一叟遊惰聽羣兒巢  
燕將雛候耕牛舐犢時人情畧相似老者近乎慈

### 過荏平新令吳寶崖尚未到官戲題旅壁

荏平新邑長赴任底遲遲毗俗三秋望王程九日期多

傾浮蟻酒省作捕蝗詩一宿吾隨便何煩地主為

昨在都門

問寶崖何以不赴任知其欲避捕蝗之役也

### 東阿道中

今日東阿縣重瞻少岱山河流連巨野地脈隱礮闕

宋檀

道濟置闕于礮礮山下地當在縣南今不可攷剝棗棘籬外漚麻溝澮間土風

### 占月令一破旅人顏

出都時買得于文定公穀城集心慕其人七月

初九夜宿舊縣乃公故里也夢公投刺見訪自

叙出處本未甚悉覺而異之敬紀一律

館閣論前輩先朝一穀城如何犯公諱直欲改余名事  
往儀型在神交夢寐清篋中有佳集去國仰高情

自汶上至濟寧田間多種藍及烟草

本業拋農務羣情逐貿遷刈藍多用染扇草半為烟樹  
藝非嘉種膏腴等廢田家家坐艱食那得屢豐年

濟寧寓樓坐雨

南池將買權北騎此休鞍得免載濡窘復叨即次安羣

喧因雨靜一榻占樓寬我獨邀天幸人間路正難

寓樓讀陶詩畢敬題其後

顏謝非同調千秋第一人精深涵道味爛漫發天真有  
耻難諧俗無官肯計貧平生頑懦意感動賴先民

雨中獨遊南池

外吏無交舊歸人簡應酬烟波宜獨往風雨感重遊遠  
影千帆暮孤亭萬樹秋多情天井派日夜向南流

東泉  
志自

滋陽至寧陽界共六十三  
泉俱入濟寧是為天井派

舟發濟寧

波紋平熨帛岸影曲隨弓坐覺一船穩行聞八牖通城  
根滙洗汶雲外指龜蒙多少乘輶使誰憐大小東

過仲家淺望魚臺諸山

解纜鷄三唱前征曙色催蒼葭迷藪澤白鳥起灣洄日  
挾川光動帆衝霧氣開好山青似染的的近魚臺

南陽鎮二首

五丈溝東望陂湖極淼茫

寰宇記泗水自任城界經魚  
臺東與河水合一名五丈溝

西自金鄉流入楊椿支兩畔綫溜走中央古市秋來廢平田潦後荒船船載漁具聊復免流亡

一帶山形墮周遭地勢坳老隄崩泐石欹屋落苦茅是處添新戍何年咏樂郊最憐農失業牛犢飽芻茭

食魚

沛水今年大河魚逆上流垂竿來接尾舉網出駢頭童僕餐皆饜庖厨棄不留多年京洛住此味當珍饈

泗上亭

亭長臺邊路茫茫  
閱世多自墟  
秦社稷誰保  
漢山河芒  
碣雲銷氣  
粉榆社改柯  
空傳沛中叟  
曾聽大風歌

食蓮藕有感

蓮藕同時賣湖鮮  
賤勿論劈蓬香  
爪甲嚼雪脆  
牙齦過客連  
橋販居民種  
水繁好為來  
歲計采實合留根

曉泊韓莊閘

百丈轉坡陀  
孤舟泊旋渦  
遠山浮沛縣  
急水灌洳河  
鴈鷺連天去  
荏苒棄地多  
坐看殘月上  
徹夜有漁歌



枕上喜聞櫓聲

櫓聲清似鴈搖夢下前汀轉益歸心急能教醉耳醒風  
生南北埭月過短長亭不解眉山老欣聞泗岸鈴

臺兒莊阻風

行止原難必天涯信短蓬明知滿槽水不敵石郵風高  
枕沈舟外微吟折葦中向來多逆境閱歷已成翁

泐溝順風掛帆

侵曉長年起開頭報順風遙歸天意許利涉客心同後

至無奔馬前飛及片鴻布帆安穩在計日報兒童

入新河見糧艘覆敗者

黃艘奔騰入新渠變濁流誰云無大患

凡漕運漂流未二百石以內為

小患二百石以外為大患見何喬遠記

依舊有沈舟已鑿終難塞將淤在

急籌治河兼治漕何策兩綢繆

五更渡黃河食頃抵天妃閣

淮強黃勢弱擘箭出盤渦水碧見檣影月明來棹歌蛟  
龍三舍避鷗鷺兩涯多不用占風色聞鷄已渡河

雨泊淮關

鎖鑰嚴闕閉裝囊獨客輕  
市樓傳檝暗鄰舫吐燈明  
酒罷人初靜風高浪不驚  
淮南今夜雨好片滴篷聲

淮上留別族弟信斯

怡荆好兄弟五世義門如  
每下南州榻長停中道車  
貧來初析箸老去各移居  
尚爾敦宗誼殷勤一慰予

淮陰侯廟下作

滅楚還封楚破齊曾王齊  
英雄歸駕馭股掌若孩提  
失

國嗟烹狗麋身付牝鷄土人憐至骨廟像儼公圭

泊寶應喬介夫枉過舟中兼餉家釀

翼折桓山鳥喬家季獨存再過城外路及踐別時言

春初

介夫在京師聞余有長告意初未之信故云風雨藏書屋鶯花縱櫂園

向為尊甫

侍讀公作縱棹圖歌又為令兄庶常君題蒹葭書屋舊題如夢寐負此酒盈尊

高寶漕渠夏秋凡兩決半月前隄工始就舟行

過此有感而作

民力東南竭官程西北勞隄防隨處潰畚鍤不時搯杭

稻連塍沒菰蔣比岸高古來論水利豈獨為通漕

過露筋祠下

舊是鹿筋梁何年祀女郎至今留廟貌考古實荒唐  
曉氣蛙魚國秋聲蚊蚋鄉人家葦花裏放鴨滿陂塘

邗關小泊同年王樓村攜酒就舟中小飲

半日揚州佳為歡累主人同年官自達

謂李  
魁司

二老分相

親我袖羞懷刺君囊轉諱貧攜觴還挈榼感激為情真

過高旻寺輓湘雨長老

宿昔還山約蹉跎久未忘高僧先下世法子繼開堂  
物外交遊少人間感嘆長餘生知幾日來炷影前香

丁亥春隨

駕遊金山寺爾時便作休官之想初心幸遂重經山下

風便不及泊作詩以結後緣

蓬萊重入望風引去如飛拈水言猶在登山力已微憑

誰留玉帶幸自脫朝衣

余遊金山詩有終脫朝衫披野衲句

為報江神道

無田我亦歸

為謝江神豈得已有田不歸如江水蘓東坡登金山句也

夜宿常州城外

渡江纔兩宿今夕到昆陵  
酒熟橋邊肆魚跳柳外冒烟  
波千里船簾幕幾重燈漸與鄉園近  
惟愁米價增

梁溪道中

山水多平遠秋來悉美田  
紅薑肥似掌紫芋大於拳  
玉剥菱腰潤珠收芡粒圓  
老饕歸為口一味說豐年

村童籠致黃雀二十尾  
用六十錢買之放生口

占一首

八月野田雀成羣入市闈充庖憐爾命倒篋破吾慳孰  
出樊籠外並生天地間放飛因戒殺不是望銜環

過吳門擬一晤何此瞻吳漪堂陸冰賢諸同年  
竟為風雨所阻戲以詩代柬

屈指笑良晤到來風雨狂往還期不偶跬步病相妨酒  
要乘閒置游須計日儻防他三子笑歸去有何忙

初到家二首

生涯與時背所事率滯阻六月擇歸期既雨且當暑涉



秋甫就道涼意動砧杵締綌乃征衣到家換時序淒風  
不堪著初服吾已許

久客返敝廬曩基無改築南榮望阡陌西舍通鄰曲舊  
時杖白頭零落多鬼錄後生類好事開口問朝局吾衰  
苦善忘聾聵廢耳目報以一不知惟應話農牧

中秋桂庭對月與徐韓奕馬衍齋及兒孫輩小  
飲

桂樹影婆娑飄香散月波中秋晴日少樂事故園多避

迨成良會團圞好放歌兒孫齊在眼不醉更如何

省先父母墓

墓祭仍隨俗君羹不逮親轉傷通籍晚無補在家貧去  
卜青烏吉歸瞻翠鬣新松栽欣免觸山鹿爾何仁

行園

畦丁老且死五畝廢不治朝來杖藜往露草紛披披桑  
柘析為薪藤蘿蔓成籬池荒鷺羣散地瘦螿族移蚤知  
蕪穢場中有茅菴基畫圖良已具結構伊何時

禹慎齋  
曾為余

作初白  
卷圖

腹痞

本意歸田樂翻將病到家胸中無壘塊腹內有癥瘕銖

兩醫方誤毫釐砭石差

去夏在京師  
針治不效

所憂非性命衰態

自堪嗟

藥師周晬

去年傳遠信錫汝藥師名我老歸初見兒今齒已生但  
求無疾疢不敢望聰明撥棄人間事猶餘膝上情

九月晦日馬衍齋見過同為雲岫之遊

近遊老尚能獨往難決驟自從竹垞喪結伴少耆舊馬  
仲晨叩門邀余赴雲岫放船非意料勝踐出邂逅我有  
一枝藤筋強節堅瘦何曾踉步失所向傍顛仆扶衰幸  
有賴懶病庶可救連山際東南崖竅露晴晝九十有九  
峰一峰為領袖前蹤悵未到初願晚始就迨此風日佳  
後期恐難又

泊舟用里堰肩輿行經南北兩湖

水盡乃見山捨舟遂遵陸村遙鷄犬散路狹田禾熟漸  
入漸幽深近身空翠撲濛濛午曦澹黯黯秋氣蓄忽於  
杳靄中豁達開心目三百頃湖光長隄亘其腹霜林環  
四照倒影漾紅綠惜哉好畫圖冷落付樵牧平生汗漫  
遊臨老思歸宿終當結茅茨來此占一曲

晚抵高陽山麓上九曲磴夜投雲岫菴

到山路疑窮壁立青巔岢松陰十二轉一上改一觀忽  
聞鷹叫風側背來高寒夕陽墮西陸返景飛彈丸聞寂

禪者居地偏天形寬鐘聲落海外列宿棲簷端老僧笑  
迎門藹若平生歡謂言登陟險知我步履艱汲井為烹  
茶拂牀為安單蕭然一行脚只作道侶看

十月朔五更鷹窠頂觀日出

吾聞堯時十日曾並出域內大水凡九年自從羿射九  
日落大禹注海納百川獨留一曜隨天旋爾來四千一  
百七十載朝朝沐浴蛟龍淵登州蓬萊閣太山日觀羅  
浮巔文人遊跡往往到鷹窠之頂僻在東南偏海隅荒

陋題咏少好事或聽旁人傳率云九月晦後十月朔是時日月行同躔初生類合璧吞吐寅卯前居民生長此山頂目所睹記云偶然况乃遊人一生或間至何怪欲覲無由緣我來此處看日出要是乾坤曠蕩之奇觀山高地窮天水連尾閭東洩茫無邊明星有爛黑氣作霧非霧兮烟非烟移時一痕破滿空血色紅殷鮮乍浮復乍沈水底疑被長繩牽須臾涌出水面圓紫金光現樽桑巔自東而西不知幾萬里一線倒射洪波穿亦不知

自高而下幾千萬萬丈一躍直上團團天觀者目眩心  
神遷却尋鷄聲到宿處松窓黑暗僧猶眠

糴米

官罷無祠祿家貧斗石艱致炊誰巧手欲乞我慙顏懸  
釜三秋後傾囊一飽間瓶罌防鼠竊莫笑老夫慳

祝尚于潘竹村借過不值各以新詩見投奉荅  
一首

卅載風塵兩鬢絲得歸翻悔挂冠遲門無俗客閒何礙



里有耆年晚始知銜袖方將修半刺投名先已枉新詩  
從今步履毋辭數各趁腰輕脚健時

連日雪不止忽憶塞外舊遊

臯蘓祠下拜龍公預祝明年二麥豐稍密儘教封塾戶  
漸高休遣沒牛宮久無書寄孤鴻外曾記身穿萬馬中  
誰信茆簷蒙敗絮出門一步怕頭風

藩司頒新歷至

天上軒轅紀山中草木年授時存國典頒賜及村田舊

歷行當棄陳人祇自憐  
千官孟冬朔猶記午門前

聞王丹思及第之報喜而有寄

有命難終屈多才豈易量

武英書局議叙同事諸子先後得官丹思為奏事者所抑

迄不得選復為畫供奉

蹉跎留畫苑瀟洒赴文場  
一賦辭成識三

年願果償喜聞王芍藥  
秋後領羣芳

庚寅春丹思作芍藥賦其結語云開

時不用嫌君晚君在青春最上頭  
余戲呼為王芍藥竟成大魁之讖

冬至後一日復雪

經旬重遇雪半月未開冰  
積素林光合微陽井氣升  
蕊

疎梅尚禁梢重竹難勝傳語敲門客竒寒幸見矜

時有以俗

事相  
擾者

### 自題臥室

生踰七九年考室忝堂構敞廬足風雨自我先人舊塗  
墜旁免穿茅茨上除漏于中劣容榻朽墁功易奏蠶繭  
密包纏蜂房疏戶牖陰陽有向背時日無避就何以占  
吉祥甘眠宵續晝

曉窓展卷有味乎昌黎吾老著讀書之句輒成

一律

捨此身何著蠹書時復翻味應同菽粟老豈廢饔飧請  
益虛師友流風覬子孫却慙更事人多負古人言

後十日復大雪

天工如刻期一月連三白同雲聚其族巧作十日隔初  
開檐溜融旋見瓦溝積幽人閉關卧護此一庭潔里老  
有好懷衝寒走相索叶豈無新醪黍與汝回煖熱肺病  
適余侵臨觴主慙客居隣幸非遠歲晚况休役有約待

晴和傾壺看新麥

小齋前移植梅樹

擬徙池東樹規除砌下苔最先論位置次第及栽培疎影移燈就生機戰雪回歲寒吾與汝滿眼盼花開

次副相揆公塞外遇雪用舊韻見懷二首

遠枉三秋訊開當雪霽時斷雲歸岫晚朔鴈渡江遲舊事炊梁夢新編疊韻詩別前初約在宛宛見心期

班行同引籍掌次近除名馬上衝寒色山中曝背情君

才方大用吾意適孤行若問菟裘計鳩巢拙未成

來詩云勉

酬初白願為報一菴成

座主宗伯許公枉駕敝廬感今追昔敬賦長律

致謝

童穉相親到白頭公今予告我歸休二三子外無同輩  
五十年前是舊遊僻地烟霞迎几杖敝廬風雨傍松楸  
多承古道闕存歿在處追隨淚欲流

闕咏

延曦開竹閣向晦掩柴闥世自如烟動

謝靈運詩民動如烟飛靜而鏡

吾猶比鶴閒靈苗須善護雜念最難刪此境於何驗無  
如寤寐間

臘月雨

五行遞休旺歲晏陰亢陽曾是水霰晨際茲淫潦妨一  
旬恒雨若物性遂失常南山慰朝隴四野烟霾併百草  
萋以綠苔枝競芬芳階前蚯蚓出檐角春鳩鳴虹見亦  
非時乘機潛發生項冥溺厥職氣洩冬不藏田間一禿

翁所願歌時康側身屋漏底仰視天茫茫

半月以來坊局史館前後輩削籍者凡二十一  
人偶閱邸抄慨然而賦

占籍幾三百同朝半盍簪故知員太冗不謂譴方深枯  
苑寧闕命行藏各拊心幸收麋鹿跡終莫負山林

癸巳除夕家讌有懷諸弟二首

室煖紅爐炭窓浮畫燭烟歲華如夢裏家慶且尊前明  
日晴難料殘宵醉可憐龍鍾還自幸扶病過蛇年



稍稍初心遂匆匆節物違寒庖供野饋質庫寄朝衣有

弟分南北

時德尹潤木留京邸  
信菴客粵西未歸

無官減是非一門推我

長齒序也應歸

敬業堂詩集卷四十二